

## Gawzeleed

*Teks en meziek:*

Diana en John Maassen

*Oetveuring:*

De vrouwluuj van De Boefjes

refrein:

Dao hoof ós geine hie mië get te zègke,  
Weer zulle blieve trèkke!  
Het kan ós allemaol niks mië bómme  
Mer dat trèkke wurd ós ech neet aafgenómme,  
Dees tradisie stuit bie ós hóag in de vaan,  
Aan dat trèkke, nei dao kump ós geine aan,  
En haw de gaws 't drie daag väör 't zègke,  
Dan zag ze...."blief mer trèkke"!

Me haet ós geraak, hiël deep in 't hart,'  
Die lummele blieve mer kliere,  
Zelfs de gaws haet 't noe gans gehad,  
Dao vilt noe neet väöl mië te viere,  
Al sjriëf me maord en brandj in 't ganse landj,  
Het trèkke hawt v'r gaer in eige handj.

refrein

Ouch Jo van der Sluijs dae maakde ein voes,  
Laot ós in Beeg mer gewaere,  
Ummer op paad is ter zelje nog thoes,  
Zóá hiltj me de gaws hie in iére,  
Al sjriëf me maord en brandj in 't ganse landj,  
Het trèkke hawt v'r gaer in eige handj.

refrein

Weer kaome hie staon en zónge vol pit,  
En ederein mó't hie huëre,  
Pak uch èns vas en zèng mit ós mit,  
Nei, stoppe geit ech neet gebäöre,  
Al sjriëf me maord en brandj in 't ganse landj,  
Het trèkke hawt v'r gaer in eige handj.



*Mit dit leedje wónne de Vrouwluuj van De Boefjes in 2012 't jaorlikse Leedjeskónkoer van de Vastelaovesvereniging De Zawpense in Beeg.*

*Met dit liedje wonnen de "dames van De Boefjes" in 2012 het jaarlijkse liedjesconcours van de carnavalsvereniging De Zawpense in Grevenbicht.*